

## Procedemento de actuación relativo as prácticas externas na Escola Politécnica Superior debida a situación excepcional provocada polo COVID-19

No documento O MEDIDAS PARA A FINALIZACIÓN DO CURSO ACADÉMICO 2019-2020 E PARA ASEGURAR A CALIDADE DOCENTE ANTE A SITUACIÓN EXCEPCIONAL PROVOCADA POLO COVID-19 recolle no seu punto 5 os aspectos relativos a Prácticas externas curriculares e extracurriculares:

*Para dar resposta á problemática particular do desenvolvemento das prácticas externas curriculares e extracurriculares, poderase optar por algunha das seguintes opcións:*

- *Continuar co desenvolvemento das prácticas de maneira non presencial dentro das datas previstas.*
- *Manter as prácticas na modalidade presencial, sempre que se garanta que se respectan os parámetros que as autoridades sanitarias esixen na actual situación provocada polo COVID-19. Se non se dan as condicións indicadas, as prácticas deberán interromperse e poderán recuperarse noutro período, unha vez que se poidan restablecer as condicións para o seu normal desenvolvemento. En ambos os dous supostos, garantirase que se mantén o plan formativo e de titorización por parte da entidade, coas adaptacións que as circunstancias poidan demandar.*
- *Substituír as prácticas por outras actividades. De non darse as condicións indicadas no primeiro suposto e non resultar factible a súa recuperación nun período posterior, daranse por finalizadas. No caso das prácticas curriculares, especialmente as que vaian dirixidas a estudantes dos últimos cursos de grao e máster, permitirase a avaliación do estudante de terse completado o 50% das horas inicialmente previstas. No caso de que o número de horas prácticas realizadas polo estudantado non alcanzase este 50%, a dirección do centro en coordinación cos axentes implicados na súa planificación poderán autorizar a avaliación sempre que garanta que se acadaron os obxectivos formativos previstos e as competencias asociadas á materia. Para ese efecto, poderán modificarse as actividades de avaliación previstas inicialmente nos programas, completándose con novos traballos, proxectos, resolución de casos prácticos e outras actividades análogas. Para o alumnado de cursos de non finalización de grao ou mestrado, a opción preferible sería retrasar a realización das prácticas ou do tempo non desenvolvido das mesmas ao próximo curso.*
- *Solicitar a modificación da matrícula efectuada. O estudantado cuxas prácticas teñan o carácter de materia optativa, poderán solicitar unha modificación da súa matrícula substituíndo a materia de prácticas por outra materia optativa daquelas que a dirección do centro decida ofertar para tal fin. A estes efectos, modifícase o prazo establecido no apartado 8.3.b), do artigo 8 da Normativa de xestión académica para o curso académico 2019/2020, establecéndose un prazo até o 15 de maio para formalizar a devandita solicitude. Coa finalidade de posibilitar esta opción, as Administracións e Unidades de Xestión Académica Integradas das Facultades e Escolas deberán poñerse en contacto co alumnado que estea nesta situación para lle ofrecer a posibilidade de modificar a súa matrícula. Serán estas unidades administrativas as encargadas de realizar a modificación, previa solicitude por parte do estudantado e mediante a resolución dos decanatos e direccións dos centros, que actuarán por desconcentración das competencias do Reitor, de acordo co disposto na Normativa de xestión académica antes citada. A estes efectos o alumnado deberá ser informado con carácter previo, de ser o caso, daquelas compensacións económicas que correspondan por existir diferencias no número de créditos entre as materias implicadas, debendo prestarse especial atención aos casos de alumnado beneficiario de bolsa pola posible repercusión que a antedita modificación de matrícula poida ter naquela.*

- *En calquera caso, a decisión que finalmente se adopte terá que ser acordada polo/a estudante e polas persoas encargadas da súa titorización na entidade colaboradora e no centro universitario, e ratificada polo centro co procedemento que se determine.*

Así mesmo no punto 9 indícase:

- *Os centros poden programar a defensa de TFG/TFM ao longo de todo o período académico. Desde o punto de vista administrativo, fíxase unha data de peche de actas de TFG/TFM e de prácticas externas até o 30 de setembro de 2020.*

Por este motivo de cara a minimizar os efectos sobre as defensas dos TFG/TFM establécense dous períodos extraordinarios en Moodle para a entrega dos informes de finalización das prácticas externas:

- 6 de setembro
- 27 de setembro

O alumnado acollido ao último período poderá depositar o TFG/TFM na convocatoria de setembro defendendo o mesmo entre os días 28-30 de setembro.

Así mesmo para implementar as medidas establécense os seguintes criterios:

- Unha vez superado o 50% das horas das prácticas externas e sen que poda acadar a totalidade das mesmas por causas non imputables ao alumnado, avaliarase na convocatoria extraordinaria de setembro o período realizado sen penalización pola menor duración da mesma.
- No caso de alumnado que requira das prácticas externas para defender o TFG/TFM neste curso e o centro non conte con oferta de prácticas suficiente, a comisión académica de cada título propoñerá actividades alternativas a ditas prácticas. Estas actividades terán unha carga lectiva equivalente as prácticas externas e, na medida do posible, involucrarán a participación de axentes externos. A comisión académica definirá un titor académico para dita actividade e, de ser posible, un titor profesional, que avaliarán dita actividade.